

Vizyon

Ki Kantite Sakrifis ankor?

Semenn pase Minis pour Finans, Mr. Danny Faure in vin lo televizyon e dir klerman ki lepep Seselwa fodre pare pou fer ankor plis sakrifis. Minis Faure in osi dir klerman ki se pa IMF ki pe dir avek SPPF ki pou fer, me plito se SPPF ki pe met son prop plan devan sa lorganizasyon e Sesel i zis bezwen zot sipor.

Oli Promes Eleksyon Jj?

Lepep i bezwen note ki SPPF i fek konteste e ranport en eleksyon zeneral zis 1 an pase. Eski alor SPPF in trai lepep Seselwa ankor enn fwa? Eski depi avan eleksyon zot ti byen okouran gravite nou sitiasyon ekonomik, me zot ti kasyet laverite e koz manti avek lepep? La prezan i kler: SPPF in fini abandonn promes ki zot ti ganny elekte lola! I fer 2enm fwa ki SPPF i azir dan en tel fason dezonnnet. An 2002 apre ki zot ti fek ranport eleksyon, zot ti entrodwir MERP avek 12% GST ki ziska la ankor pe anmenn bokou soufrans. Zot mazinnen?

Ki mezir SPPF i oule pran?

Minis Faure ti koz avek SBC avan i al New York, alor deza i konnen ki SPPF i anvi fer. Me selman parey labitid, SPPF pa pe fer keksoz dan latransparans e drwa nou sitwayen pou ganny akse avek lenformasyon pe ganny inyore. Sa ki nou bezwen aksepte prezan, se ki ant la ziska lafen Novanm, toulaswar SBC pou donn nou bann move nouvel doz par doz ! Bann mezir ki'n anonse ziska komela se lentrodiksyon 'withholding tax' 10% lo lentere ki labank i peye e koleksyon salte ki gouvman in nepli sibvansyonnen pour sekter prive.

Plis Soufrans ankor... Me lenformasyon ki pe sorti pe dir ki ziska 3000 travayer servis piblik, sirtou bann par lao 55an e bann zenn ki fek ganny anploye pou perdi zot lanplwa, tiket bis pou mont ziska R8, lentere labank lo loan pou mont ant 15% a 22%, program lasistans sosyal pour koupe e rroupi pour devalye.

Ki IMF pe dir? Dan son deklarasyon IMF in fer kler bann problemn prensipal Sesel: nou pa pe kapab pey sa bann gro det eksteryer ki nou annan, nou napa ase deviz etranzer, gouvman in pret tro bokou larzan avek bann labank komersyal lokal, rezerv labank santral i ba, lenflasyon i o e ki Sesel in perdi tou kredibilite lo marse finansyel enternasyonal pour pret larzan ankor.

I pa lentansyon SNP pou fer Seselwa per e ni pou eksplwat sa sitiasyon dan en fason politik. Me konman en Lopozisyon responsab ki annan lentere pep Seselwa a ker, i nou devwar pou averti zot lo danze donn SPPF en lot manda dan prosen eleksyon.

Rezilta move gouvmanans

SPPF in reste o pouvwar tro lontan, in fer tro bokou fot e ganny tro bokou sans. Nenport gouvman ki ti pou'n diriz Sesel ti pour fer menm nivo lenvestisman dan devlopman sosyal e lenfrastruktir nou pei. Alor SPPF pa'n fer okenn mirak. Sel keksoz ki zot in akonpli, se fer nou pei erit sitan problemn, ki IMF in bezwen mele !

Tou dimoun i konnen ki IMF pa'n vin isi pou fer dalon avek SPPF. Ler ou vwar IMF in ariv se ou, zafer i vreman sal menm.

Kriz ekonomik Sesel i akoz SPPF in pran tro bokou desizyon politik, zis pour reste o-pouvwar, san pran kont vre priyorite pei. In annan mank latransparans, koripsyon, gaspiyaz e move zestyon ekonomik.

Fodre lepep i konnen ki'n arive e lekel ki responsab.

Nou pou ganny dir ki fodre pa nou pran tro bokou letan pou rode kwa ki'n al mal e pou pas letan blanmen. Nou pou ganny dir ki nou demokrasi in matir e ki alor nou kapab aksepte ki nou annan en 'pti' problemn. Nou pou ganny dir ki fodre pa ki nou tir nou latansyon lo keksoz pli enportan e sa se pou rod en solisyon pour nou difikilte.

Annou pa les nou ganny anbete par bann largirman ki pour dir nou fodre ki nou pli rekonesan anver sa ki gouvman in donn nou e sa ki nou pei in fer pour nou. Menm si Sesel i bezwen lespwar pour li progrese, menm si nou bezwen travay ansanm pour sa arive, fodre nou pa zanmen oubliye lekel ki'n met nou dan sa gran trou kot nou ete ozordi.

Lavenir i avek SNP - Sesel i

bezwen nouvo direksyon. I bezwen en gouvman ki onnet, ki pou permet ou konnen ki pe pase dan ou pei. Ou sipor pour SNP dan prosen eleksyon pou ede annenn sa sanzman nesaser ki Sesel i bezwen. En gouvman dirize par SNP pou kree en klima politik kot pou annan plis transparans, distribisyon egal dan larises pei e lalwa pour pli drwat e pli zis. SPPF in tro bat latet Seselwa. Mr. Michel i dir ziz li par son aksyon. Lepep pe dir ki nou'n fini fer sa e in fel! Donn Sesel en sans!

Gouverman pe koz manti Latizann ekspire dan Klinik

Lepep anzeneral e parkilyerman zabitan Baie Lazare i dezapwente Avek leksplikasyon ki Vis-Prezidan Belmont in donn Lasanble Nasyonal konsernan sa bann dimoun ki pe reste dan lotel Plantation Club. Dapre li, sa bann dimoun se nouvo propriyeter sa lotel, e ki zot pe senpleman reste se zot. Dapre li gouvernman pa kapab anpes zot fer sa. Me laverite seki i annan plis ki 30 dimoun ki pe reste laba.

Plizyer dimoun, parmi bann drayver taksi in kontakte lofis SNP e raporte ki bokou etranze pe ariv Sesel abor plizyer avyon depi komansman sa mwan, e pe ganny transporte par bis kot sa lotel. I osi annan rapor ki anviron 200 travayer pe fer zournen laba. Kestyon ki piblik pe demande se: ki gouvernman pe fer pou verifie ki an realite se pa bann kilyan ki dan sa lotel e asire ki napa okenn biznes ki pe der-

oule laba?

Koman Minis pour tourizm, Vis-Prezidan Belmont fodre i pli enplike. I son responsabilite pou asire ki nou rekolte o maksimomm atraver sa menm lendistri ki donn nou plis reveni. Sesel pe deza perdi en kantite larzan atraver tro bokou konsesyon e retansyon ki bann investiser etranze pe benefisyse avek.

Bokou larzan ki fer isi akoz labote nou pei, pa pe reste Sesel e ni al dan pos Seselwa. Alor lepep pe ekspekte plis avek Vis-Prezidan Belmont. I merit osi pe asire ki repitasyon Sesel pa gate avek move tretman ki serten investiser dan lendistri tourizm i sibir zis parey dan ka Plantation Club. SNP i demande ki tou o zofisyse gouvernman i donn piblik lenformasyon korek e nesese sirtou la pandan sa moman kritik. Seselwa i konnen ki zafer Plantation Club i zis en zistwar soun-goula!

Drayver Deranze

Sanmdi 27 Septanm drayver en Minis ki ti paret anba lenfliyans ti lev foun-ga dan leo Bel Ombre. Rezon lager: en ta ros kase.

Plizyer temwen in raporte koman sa boug ti maltret tou dimoun e ki kalite langaz i ti servi. Lapolis ti vini, me ti bezwen retourn lo menm bor ler zot ti vwar ki sa boug ti n deranze e i ti napa rezon. Me zafer pa ti fini la. Son lannmen i ti zour en lot zabitan e menm menas li en bal. Eski sa pa ase serye pour lotorite get ladan? Eski sa bann boug i ankor arme?

Me sa ki pli tris ladan se ki loto ofisyel Minis ki ganny servi e dalon i pase ladan avek bwar. Eski Minis i okouran sa kalite labi ki tou lezour nou pe dir koupe? Aksyon i bezwen ganny pran sinon lager pour lev ankor dan bal manyok... Minis vey lapire ki bougla i bwar!

Oli James Michel?

Lepep Seselwa pe rode kote Prezidan Michel pe kasyet pandan sa moman ki nou pei pe fer fas avek en kriz ekonomik enpoze lo nou par son prop parti, ki n opourvwar pour 31an. Nou tou nou konnen ki manyer i kontan koz avek SBC sak fwa i sorti a letranze. Me sa fwasi ler i ti sorti New York, kot zisteman in fer diskisyon avek IMF, Labank Mondyal e lenstiti Bretton Woods i pan n donn okenn entervi. I ti mont direk State House pour en miting cabinet irzan.

Zedi le 2 Oktob aswar, SBC ti lo 'standby' pour en ladres prezidansyel, me ziska prezan, nou ankor pe esper li dir de mo. In plito anvoy Mr. Danny Faure avek Mr. Ahmed Afif pou esey fer lepep pa per IMF. Seselwa i anvi konn laverite e vwar latransparans dan tou

Tou piblik Seselwa ti soke pou antann Dr. Payet, MNA SPPF, demann avek Minis Lasante kan eski Minister Lasante pou aret anvoy latizann ki n ekspire oubyen ki pre pou ekspire dan bann klinik distrik! Menm Minis ek Dr Herminie ti soke pou antann en tel deklarasyon sorti kot en SPPF. Avek bokou ezitasyon Minis ti esey donn en larepons ki pa ti satisfere Dr. Payet, e Mr. Speaker ti bezwen entervenir pou protez minis.

Eski sa i pa zis en lot laverite ki n sape? Probableman Dr. Payet pou ganny apele e ganny zize par bann lotorite dan SPPF. Sa i tipik SPPF: Zot pa kontan laverite e zot rod kasyet li dan tou fason. Me sa ki osi grav se lefe ki pandan ki SPPF pe dir ki lasante i ok, nou dekouver lezot problemn. Oli laverite? Fodre SPPF i aret bat latet Seselwa!

diskisyon avek sa bann lorganizasyon.

Koman Sef Deta, Mr. Michel i bezwen azir parey son omolog Ameriken George Bush ki dir son pep laverite. Pli enportan ankor i merite annan sa lonekte akoz se li ki n Minis Finans pour plizyer lannen, depi lepek ki sa kriz ti komanse.

Dan son promes eleksyon, Mr. Michel ti dir i 'annan en leker pour tou Seselwa.' Avek sa soufrans ki pe vin ver nou, anmennen par sa 'pilil anmer IMF', Mr. Michel i oblize montre nou son senserite, sinon sa sitiasyon pour pirman en 'Imposed Michelism Failure (IMF).' Antretan Msye Michel i devret dakor pou zwenn Lider Lopoziyon dan Face à Face, lo SBC.

PAS PARTOU

Pa servi tiket pou viktimize!

Koze lo karpark taksi pirat i dir ki en gran aktivist SPPF pe pas letan viktimiz bann pti boug ki pe esey debourye pour ganny zot lavi. Selman i pa donn tiket bann marsan Endyen akoz i pas par deryer pour son gous. Sanmenm sa fer travay drwat?

Kankan dan Klinik Les Mamelles

Sa en vre zistwar. Zwer dan Lasanble ti telefonn klinik pou maltret en ners akoz i kwar ki se sa ners ki n rakont son zafer. Problemn se ki i avek 2 ners dan menm klinik ki 2 gran dalon, me zot pa ti kon-

nen ki tou lede tya pe manz menm manze. Telefonn S ti avek G kan en mesaz lanmour ti rantre. G ti soke, e apre ki in demann kestyon founa in leve. Lager ek zoure pa ti manke e Ners ansarz ti bezwen mele. Tou tya pe rod sa gro marto pou kas makadanm avek! Tou aprezan pe espere pou gete kwa ki pou arive dan laziz kot minister. Eski zot pou dir ki lakoz sa lager ti en gro marto?

1418

SNP Youth e-newsletter
www.snpseychelles.sc/1418.htm
Youth for a better future!

SNP Lottery

WIN WITH THE SNP!

PRIZES

- 1st : Family holiday : Four return tickets to Mauritius + 7 days accommodation on BB
- 2nd : Two return tickets to Singapore
- 3rd : Two nights HB at La Reserve Hotel, Praslin
- 4th : Two nights BB at L'Archipel Hotel, Praslin
- 5th : SR5000 cash
- 6th : SR5000 cash
- 7th : One washing machine
- 8th : One refrigerator
- 9th : One TV set
- 10th : One DVD player
- 11th : One Guitar
- 12th-20th : Consolation prizes

R10/-

Draw on December 20, 2008